

Dous astronautas aterran en Galicia en “Go On!”, mañá venres na Mostra de Teatro de Maio

Escrito por Redaccion @valminorinfo
Mércores, 11 Maio 2011 18:25



“Logo da chegada do home á lúa á humanidade só lle faltaba un reto: a chegada do home a Galicia. No ano 2010 (ano 25 despois de Gayoso), dous intrépidos exploradores tiveron o valor de adentrarse nas descoñecidas terras galaicas a través da ruta xacobeá”. Así se presenta “Go On!”, o último espectáculo da compañía teatral estradense Malasombra. Escrita por Xosé Luis Prieto e dirixida por Marcos Osi (autores das exitosas “O día do pai” e “Nunca foi tan fácil”) a comedia é un divertido percorrido pola xeografía, refráns, costumes e clichés de Galicia. A obra está protagonizada por Jouse García e Xoque Carbajal.

A representación de “Go On!”, será o venres 13 ás 22.00 horas. O prezo da entrada é de 3.5 euros, e venderanse desde unha hora antes na taquilla do Auditorio Municipal Lois Tobío.

Teatro familiar o sábado

Por outra banda, a compañía de teatro infantil Caramuxo presentará o sábado 14, ás 18.00, “Mensaxe sen botella”. Trátase dunha emotiva historia sobre a amizade, o amor entre dúas persoas ben distintas que teñen que aprender a comprenderse.

A Mostra de Teatro de Maio celébrase en colaboración coa Axencia Galega das Industrias Culturais (Agadic), da Consellería de Cultura da Xunta de Galicia.

Dous astronautas aterran en Galicia en “Go On!”, mañá venres na Mostra de Teatro de Maio

Escrito por Redaccion @valminorinfo
Mércores, 11 Maio 2011 18:25
